

Rhaglen Staff Nyrsio Cymru Gyfan

Diweddariad llif gwaith cleifion mewnol
cyfun a phediatreg - Medi 2022



Cefndir

Hyd yn oed cyn i Ddeddf Lefelau Staff Nyrsio (Cymru) ddod i rym bu gwaith helaeth wedi'i wneud gan y ffrwd waith feddygol a llawfeddygol i oedolion a'r ffrwd waith bediatrig i baratoi byrddau iechyd drwy ddatblygu a phrofi offer, systemau a phrosesau cenedlaethol sydd eu hangen i alluogi sefydliadau i bodloni gofynion y Ddeddf tra'n dilyn dull 'Unwaith i Gymru'.

Yn 2021 unodd ffrydiau gwaith oedolion a phediatrig. Arweinir y grŵp gan Jason Roberts (Cyfarwyddwr Gweithredol Nyrsio, Bwrdd Iechyd Prifysgol Caerdydd a'r Fro) a Sian Passey (Dirprwy Gyfarwyddwr Nyrsio, Bwrdd Iechyd Hywel Dda) gyda Gregg Dix (Cyfarwyddwr Gweithredol Nyrsio, Bwrdd Iechyd Prifysgol Cwm Taf Morgannwg) fel Noddwr gweithredol ar gyfer y rhaglen waith. Mae'r ffrwd waith gyfunol yn cynnwys uwch gynrychiolwyr o wasanaethau oedolion a phediatrig o'r byrddau iechyd ledled Cymru ac fe'i cefnogir gan Addysg a Gwellu Iechyd Cymru.

Pwrpas y ffrwd waith oedd sicrhau bod y gwaith sydd ei angen yn cyd-fynd ar draws meysydd oedolion a phediatrig a sicrhau dull cydlynol i alluogi Byrddau Iechyd i ddilyn dull 'Unwaith i Gymru' wrth iddynt gydymffurfio â gofynion Deddf Lefelau Staff Nyrsio (Cymru).

Mae'r Ddeddf yn ei gwneud yn ofynnol i fyrddau iechyd gyfrifo'r lefelau staff nyrsio ar bob ward feddygol a llawfeddygol aciwt i oedolion a ward cleifion mewnol pediatrig bob dwy flynedd fel isafswm er mwyn sicrhau bod gan y wardiau'r nifer cywir o staff yn ogystal a'r

cymysgedd cywir o staff i ddiwallu anghenion cleifion. Y prif nod yw darparu gofal o ansawdd uchel, canlyniadau a phrofiadau cadarnhaol i gleifion, plant/pobl ifanc a'u teuluoedd.

Cynnydd hyd yn hyn

- Cyflwynodd pob Bwrdd Iechyd eu hadroddiad sicrwydd tair blynedd gyntaf i Lywodraeth Cymru ym mis Hydref 2021 gan roi sicrwydd ar y camau a gymerwyd i gyflawni gofynion y Ddeddf. Mae pob bwrdd iechyd wedi cyhoeddi eu hadroddiad ar eu gwefan ac mae adroddiad cryno o'r adroddiadau hyn ar gael ar [**wefan Llywodraeth Cymru**](#).
- Yn seiliedig ar adolygiad o'r adroddiad sicrwydd bob tair blynedd mae gwaith pellach yn cael ei wneud i fireinio'r metrigau ar gyfer adrodd er mwyn darparu lefel uwch o sicrwydd a thystiolaeth ac mae'r gwaith hwn bron wedi'i gwblhau.
- Mae aelodau o'r ffrydiau gwaith oedolion a phediatrig wedi gweithio gyda darparwyr systemau TG i wella systemau cenedlaethol i gefnogi byrddau iechyd/ymddiriedolaethau i gael gafael ar wybodaeth sydd ei hangen i lywio'r defnydd o staff nyrsio a chynllunio'r gweithlu.
- Ym mis Mai penododd pob bwrdd/ymddiriedolaeth iechyd arweinydd staff nyrsio lleol i gydlynu'r gwaith sy'n ofynnol gan y byrddau iechyd i gydymffurfio â gofynion y Ddeddf. Bydd yr arweinwyr staff nyrsio yn sicrhau bod yr offer cenedlaethol a weithredir o fewn y meysydd hyn yn cael eu hymgorffori mewn ymarfer bob dydd, yn sicrhau bod staff yn derbyn arweiniad a chymorth arbenigol a bod systemau cenedlaethol yn cael eu cyflwyno ar draws y sefydliad.
- Mae cyfres o fecanweithiau cefnogol ar waith i addysgu, hyfforddi a chefnogi timau gweithredol ar eu cyfrifoldebau a sicrhau bod ganddynt yr wybodaeth a'r sgiliau i ddefnyddio'r offer cenedlaethol a bodloni gofynion y Ddeddf.
- Gweithredwyd system PowerBI (gwybodeg) i alluogi byrddau iechyd i greu ac adolygu delweddwy'r lleol a fydd yn cael eu defnyddio gan fyrddau/ymddiriedolaethau iechyd i lywio'r broses o wneud penderfyniadau a chynorthwyo cynllunio'r gweithlu.
- Mae'r ffrwd waith yn parhau i lywio'r gwelliannau sydd eu hangen i'r system Allocates Safecare er mwyn galluogi Byrddau Iechyd/Ymddiriedolaethau i gasglu a defnyddio gwybodaeth i lywio'r gwaith o leoli staff, helpu i gynllunio'r gweithlu lleol a bodloni gofynion adrodd y Ddeddf.

Y camau nesaf

Gan fod byrddau iechyd/ymddiriedolaethau yng Nghymru wedi gweithredu'r offer, y prosesau a'r systemau cenedlaethol sydd eu hangen i fodloni gofynion y Ddeddf a dilyn y dull 'Unwaith i Gymru' mae'r gwaith a wneir gan y ffrwd waith gyfunol yn dod i ben. Mae cynlluniau i roi'r gorau i'r grŵp ffrwd waith cyfunol erbyn diwedd y flwyddyn a bydd yr arweinwyr staff nyrsio lleol a'r timau rheoli o fewn pob bwrdd/ymddiriedolaeth iechyd yn parhau i fwrw ymlaen â'r gwaith sydd ei angen i gyflawni gofynion y Ddeddf.

Hoffai'r grŵp llif gwaith ddiolch i'r holl randdeiliaid am ymgysylltu a chefnogi'r gwaith pwysig hwn.

I gael mynediad at gylchlythyrau blaenorol a chael gwybod mwy am Raglen Staff Nyrsio Cymru Gyfan a'r gwaith a wnaed gan y ffrwd waith, [**ewch i'r wefan.**](#)

Cysylltiadau allweddol

Noddwr Nyrs Weithredol:

Greg Dix (Brwdd Iechyd Prifysgol Cwm Taf Morganwg)

Arweinydd y llif gwaith:

Jason Roberts (Brwdd Iechyd Prifysgol Caerdydd a'r Fro)

Pennaeth Rhaglen:

Joanna Doyle (Addysg a Gwella Iechyd Cymru AaGIC)

Am wybodaeth bellach cysylltwch

Joanna.Doyle2@wales.nhs.uk